

docriver 文  
入駐商家  
在文川網搜索古籍書城 获取更多電子書

中國方志叢書·華中地方·第一一六號

據清·不著·道·光·間·刊·本·影印


湖 南 省

# 辰州府義田總記

(全)

成文出版社有限公司印行

402461



中華民國五十九年三月壹一版

# 辰州府義田總記

全一冊

發行人：**黃成助**

出版者：**成文出版社有限公司**

台北郵政信箱二二六〇五號  
台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

辰州府義田總記目錄

上卷

稟 各憲呈勸買義田說並捐買義田情形及另建義倉開工

日期請察核示遵

各憲批稟四件 憲札二件

勸買義田說

詳 各憲勸買義田頃畝歲收義穀實數並另建義倉工竣日

期飭瀘辰澈三縣一體遵辦

稟 各憲勸買義田頃畝歲收義穀實數及另建義倉工竣日

期並稟明方前府動缺穀石現已如數買補

docsriver 文川网  
入驻商家 古籍书城

在文川网搜索古籍书城 获取更多电子书

各憲批詳四件 批稟三件 憲札四件

義倉首事領買方前府動缺穀石實貯在倉甘結

詳 各憲請將捐買義田餘剩銀兩發商生息並置買舖店取  
租作為每年應完義田錢糧及歲修辛資等項費用請查核  
立案

各憲批詳四件 憲札一件

照鈔借領五紙

照鈔店契二紙附賃約二紙

義倉  
田首事呈收支清單

詳 各憲重修府 文廟置買義田遷建義倉事竣併案詳

請議敘以示鼓勵並賚各項冊結圖說

各憲批詳四件

義田頃畝租穀冊

義田捐輸請給議敘冊

義倉圖說

義田圖說

義田捐輸請給匾額冊

併案詳請議敘粘連印甘各結

行沅瀘辰澂四縣捐置義田修建義倉一案抄詳飭知

稟各憲呈義倉義田章程清冊請核示飭遵

各憲批稟四件 憲札一件

義倉義田章程

諭義倉首事發義倉圖記

諭義田首事發義田圖記

諭郡城典商發不准那移圖記

義倉首事收穀甘結式附義倉斗級隨同首事收穀甘結式

義倉門首左右各舖戶新加地租清單

下卷

義田首事呈各義田約收穀數

佃戶執照式附記二十五年分各佃戶領種義田坵數

完租串票式附記二十五年分各佃戶花名並應交義倉穀數  
照鈔田契二十一紙附推糧字二十二紙

百羊坪梅冲等處義田弓丈圖說

竹山塲義田弓丈圖說

岩橋溪義田弓丈圖說

黃金冲等處義田弓丈圖說

小溪口義田弓丈圖說

龍溪口義田弓丈圖說

義田首事稟請札縣收糧並糧單一紙

行沅陵縣遵照收糧並免一切雜差粘連糧單一紙



沅陵縣遵辦申文

行沅陵縣更正李大剛等柱名

重建辰州府義倉記

碑陰刊刻捐輸義穀各士民姓名穀數

移 新任辰州府移明捐置義田修建義倉一案並送卷匣一

個內貯卷宗田房各契並鑰匙等項

藩憲行辰州府轉奉 撫憲札發捐置義田修建義倉一案奏

請議敘摺稿並飭知捐修府 文廟一案應由現任辰州府

覆勘議詳

藩憲行辰州府轉奉

督撫憲准

吏部咨覆捐置義田修建義

倉一案准給議敘抄單知照

藩憲詳 撫憲請將前賚康淳等年貌三代冊咨送 吏部分  
填議敘執照以憑轉發給領

撫憲行辰州府發給捐置義田修建義倉一案議敘執照



辰州府義田總記上卷

敬稟者竊照 卑府 於道光二十二年十月仰蒙

憲檄承乏辰州凡地方一切事宜悉承

指示周詳無微不至因於辦公之次體訪民間瘠苦思有以推廣  
憲慮籌計於未然者則以備荒一事最爲切要伏查辰郡各屬山  
多田少地瘠民貧旣鮮蓋藏且無籌備而府治踞山臨水食指  
萬家所恃者惟來往米船此外則素無積貯故每遇河流漲溢  
商販不前闔郡嗷嗷斯飢可憫 卑 前府王見煒因有義倉之舉  
並酌議章程稟明

各前憲荷蒙批示飭令妥協辦理在案 卑府 愚昧之見以爲有

治法必須有治人而與民謀身家尤貴濟民於久遠義倉之設積穀防飢立法誠善已乃行之未久卽不能無弊者穀虞其霉變司倉務者必稟請出陳迨穀糶爲錢值地方另有急需因有以公濟公之說權且那移紳士不敢抗違不得不暫爲隱忍以致一官交卸於義倉項下不過以虛款入交至日久岩懸後遂漸歸無著 卑府 通盤籌畫竊以爲積穀於倉經理旣萬難妥善不若積穀於地倉箱可長冀豐盈因作勸買義田說釐爲四則於朔望宣講

聖諭後進紳士耆老而與之謀該紳士以次相商咸以爲善當經 卑府

首先倡捐銀一千兩卽有沅瀘兩縣紳士王友恭李光明張開

謨唐世泰許文耀汪樹蘭陳拔先姚時涵張化興尹大久羅肇  
雍余廷棟吳雲漢等各請勸買義田說一冊互相勸諭並一面  
勘買義田去後現截至四月二十日止共據勸捐銀七千五百  
兩有奇共已買水田二頃一十餘畝召佃取租計每歲可收淨  
穀三百七十餘石除俟捐有成數再將得買義田總計若干畝  
繪圖貼說並將捐輸較多者另行分別詳請議敘獎勵外所有  
卑府勸買義田說一冊及現在辦理情形合先具稟

宮保大人  
大 人 俯賜察核

訓示遵行再卑府義倉查係卑前府王守就縣倉廢址捐建因地  
勢低潮木漸朽腐現復飭令原派首事張化興等於倉後山坡

高厥處另建新厥二十間以資儲蓄卽於四月二十日開工修

造合併稟明除稟

督撫憲暨 權 憲外 卑府成樸 謹稟

計稟呈 勸買義田說一冊

道光二十五年五月初十日

右稟 各憲

道光二十五年五月二十七日奉

巡憲呂 批該府倡捐廉俸並作勸買義田說四則與紳士相商卽互相捐出銀七千餘兩之多買田收租開工另建新廩俾倉儲日臻充裕永保無患實屬盡心民事辦理妥善而地方紳士各知將義急公踴躍輸將亦堪嘉尙希再督率妥爲勸捐俟有成數卽將得買義田繪圖貼說並捐輸紳士姓名銀數造冊詳請分別議敘獎勵一面督令首事將倉廩趕緊修造務須工堅料實不可稍有偷減虛糜經費切切仍候

督憲暨 各司道批示繳冊存

道光二十五年六月初七日奉



藩憲萬 批此案已奉

撫憲批司另檄行知矣仰卽遵照仍候

督部堂暨 各道司批示繳冊存

道光二十五年六月初七日奉

藩憲萬 轉奉

撫部院陸費 批據稟辰郡山多田少素鮮蓋藏現在勸買義田積穀防飢極見畱心民瘼圖置於豐洵稱地方善舉可嘉之至仰布政司轉飭照辦俟捐買義田截有成數卽行開具頃畝數目并置買價值具詳立案一面將捐輸較多之戶詳請議敘以示獎勵該府務當督率紳士人等妥爲籌辦不可稍有抑勒並不得令官役經手是爲

docsriver 文川网  
入驻商家 古籍书城

在文川网搜索古籍书城 获取更多电子书

至要切切仍候

督部堂批示繳說冊存等因奉此合行札飭札到該府立即遵照俟  
捐買義田辦有成數即開具頃畝數目並置買價值通詳立案一面  
將捐輸較多之戶取造冊結賚司以憑照例詳請議敘毋稍遲延切  
切此札

道光二十五年六月初十日奉

糧憲鄧 批據稟已悉仰候

督憲暨 各道司批示繳冊存

道光二十五年六月十八日奉

藩憲萬 轉奉

督憲裕 批積穀備荒本爲地方要務該府現就義倉推廣變通倡捐勸諭置買義田較義倉尤爲可恃查閱義田說剴切詳明甚屬可嘉仰南布政司轉飭妥爲辦理仍候

撫部院批示繳冊存等因奉此查此案前奉

撫憲批司業經札飭辦理茲奉前因合亟札行札到該府立即遵照前令批飭妥爲辦理毋違此札

右照錄 批稟四件 憲札二件

辰郡之有義倉倉貯穀四千餘石係王前府見焯稟明勸捐以備緩急者本府抵任接收方前府交代尙有應交繳存穀價錢一千九百五十四千文當卽查傳首事諭令隨時請領陸續買補矣因思陳穀旣已出糶自應上緊易新於倉儲始爲有益似此因循延誤恐日久不無虧缺本府通盤籌畫思有以濟民於久遠而長此有備無患者則莫如多買義田使義倉歲歲入新俾倉儲日臻充裕設遇不虞庶實有可恃惟本府意見如此特再爲闔郡紳商士庶人等剴切言之一義穀捐之於民而籍其數於官復選派公正紳士互相糾察已可保無私糶隱匿諸弊矣乃往往猶有虧缺者則以穀易錢之後民不能禁官不因公那用也今本府另勸義田除將前短義穀如數買補

歸倉外如紳商士庶人等果能踴躍捐輸財由本府總計現買義田若干畝歲可收租穀若干石詳明

各憲立案一面慎選首事妥爲經理從此取穀於地歲有所增而斯倉永無空乏矣

一義穀積之於富而散之於貧酌盈劑虛立法固已盡善矣所慮者穀易爲錢錢未買穀之際設遇水旱米販不來而郡城素鮮蓋藏專賴商船接濟嗷嗷萬口其何以苟延旦夕乎今本府廣勸義田除將舊存義穀加謹封貯外如紳商士庶人等果能輾轉勸捐則由本府綜計捐數多寡儘買義田名募殷實佃戶按年交租縱有偏災而義倉之穀陳陳相因當不至官民束手也

一義穀必出陳易新或春放秋收始可免穀粒霉變乃地方紳士或恐糶存穀價別有那移每於應糶之時必飾詞延宕以致穀多紅朽今本府力祛其弊特勸義田如紳商士庶人等果能捐有成數則以每年所收新穀定次年應放陳穀如本年收新穀三百石則次年祇出陳穀三百石本年收新穀五百石則次年祇出陳穀五百石使倉儲永遠充盈而每年糶穀無多卽糶價亦屬無多首事亦易於經理至買補之時當不致別虞支絀矣

一義穀或全數散濟或減價平糶地方官自能因時制宜傳諭該首事遵辦惟倉穀全出之後或歲仍告饑何處求不涸之倉使斯民常常保聚乎今本府力圖其繼急勸義田如紳商士庶人等果能不惜

捐費則由本府催令首事等速買上等水田使旱澇皆有所獲如今  
年收穀三百石或全數動用明年又可收新穀三百石今年收穀五  
百石或全數動用明年又可收新穀五百石從此凶荒有備長享太  
平當亦闔郡生民所同深慶幸者也

以上四條皆本府仰體

各憲德意悉心籌畫作未雨綢繆之計爲裘成集腋之謀所期諭到  
卽捐慎勿遷延觀望則本府當分別實捐數目詳請議敘獎勵斷不  
使嚮風慕義者紛紛埋沒也

右勸買義田說



爲勸買義田截有成數另建義倉據報工竣詳請批示飭遵事案照  
辰州一府山多田少地瘠民貧旣鮮蓋藏且無籌備厯邀

憲鑒在案

卑府

於二十二年十月抵任每於辦公之次思有以推廣

憲慮籌計於未然者則以備荒一事最爲切要因變通積貯義穀成  
法作勸買義田說並首先倡捐銀一千兩傳諭沅瀘兩縣紳士王友  
恭等分途勸諭截至四月二十日止共勸捐銀七千五百兩有奇共  
已買溶田二頃一十餘畝計每歲可收淨穀三百七十餘石並因舊  
建義倉地勢低潮木漸朽腐飭令原派首事張化興等於倉後山坡  
高厰處另建新厰二十間以資儲蓄卽於四月二十日開工各等情  
於五月初十日分晰具稟並將勸買義田說呈請核示各在案嗣奉



憲臺批飭妥辦遵復轉諭各首事共相遵照去後現截至六月二十  
六日止據首事王友恭李光明張開謨唐世泰許文耀汪樹蘭陳拔  
先姚時涵張化興尹大久羅肇雍余廷棟吳雲漢等共勸捐銀一萬  
一千零五十五兩連卑府倡捐銀一千兩共銀一萬二千零五十五  
兩共已買溶田二百一十三坵截長補短牽連折算共二頃五十五  
畝二分共用田價銀九千四百七十五兩一錢歲可收淨穀九百一  
十八石七斗四升名佃耕種按五五交租歲可收上倉淨穀五百零  
五石三斗零七合又卑府另建議倉據首事張化興等呈報自本年  
四月二十開工之日起多集夫匠趕速修建現於六月二十六日一  
律工竣卑府卽親詣逐一履勘計東西對向倉廩二十間分內外四

棟編列治本於農務茲稼穡倣載南畝我藝黍稷稅熟貢新二十字  
腰牆外南向

五穀神祠一棟三間祠後西向走廊一棟八間爲盤瞭穀石之所二  
門外東向官廳二間爲各首事勾稽出入之所大門一座額以辰州  
府義倉五字所有各處木料均改用一色杉木磚石等項均經挑選  
委係工堅料實並無草率偷減卑府隨查核該首事呈出修建支銷  
各簿共用過工料銀一千九百六十五兩七錢二分均係實用實銷  
亦無虛糜浮冒除再確查義田頃畝坐落某鄉暨每歲上倉穀數及  
另建義倉分別繪圖貼說另文賚呈一面酌定條規勒石以垂永久  
一面確核紳士商民所捐銀數及修建工料分造清冊並加具印結

另行詳請分別議敘獎勵外所有勸買義田頃畝暨歲收租穀各實數及另建義倉工竣日期並勘收各緣由理合具文詳請

憲臺俯賜察核批示飭遵再瀘溪縣東南鄉浦市地方與沅陵縣所轄之浦市犬牙相錯瀘溪士民在浦市居住者業據各首事勸令一體捐助其瀘溪境內離浦市較遠各處以及辰谿溆浦兩縣應由各該縣因地制宜仿照遵辦合併聲明除徑詳

督撫部堂暨臬藩憲外爲此備由具申伏乞

照詳施行

道光二十五年六月二十七日

右詳 各憲

敬稟者竊照 卑府 勸買義田並另建義倉一案前經 卑府 首先

倡捐銀一千兩諭飭沅瀘兩縣各首事分途勸辦隨將勸辦情

形馳稟

鈞鑒並將勸買義田說一冊錄呈

訓示各在案嗣奉

憲臺批飭妥辦遵復轉諭各首事共相遵照去後現截至六月二

十六日止據首事王友恭等共勸捐銀一萬一千零五十五兩

連 卑府 倡捐共銀一萬二千零五十五兩共已買溶田二百一

十三坵牽連折算共計二頃五十五畝二分共用田價銀九千

四百七十五兩一錢歲可收穀九百一十八石七斗四升各佃

耕種按五五交租計歲可收上倉淨穀五百零五石三斗零七合又另建義倉據首事張化興等呈報自本年四月二十開工之日起多集夫匠趕速修建現於六月二十六日一律工竣計東西對向倉廩各十間編列治本於農務茲稼穡俶載南畝我藝黍稷稅熟貢新二十字繚以重牆間以門柵此外

五穀神祠走廊官廳大門二門均係如式修造並無草率偷減所用工料銀一千九百六十五兩七錢二分亦係實用實銷委無虛糜浮冒各情弊除由<sup>卑</sup>府酌定條規勒石以垂永久並將勸買義田頃畝暨歲收租穀各實數及另建義倉工竣日期另文詳報外理合稟請

docsriver 文川网  
入驻商家 古籍书城

在文川网搜索古籍书城 获取更多电子书

官保大人 俯賜察核批示祇遵再方前守任內移交義倉穀價錢文

現已催令各首事如數買補分貯泊字本字於字農字務字茲  
字稼字穡字俶字等九厥共計穀四千四百零八石六斗一升  
取有實貯在倉各甘結附卷合併稟明除稟

督撫憲暨 糧藩憲外 卑府成樸 謹稟

道光二十五年六月二十七日

右稟 各憲



--	--	--	--	--	--	--	--	--	--